

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

«Реклама юкӧнын оланпастэчас збыльмӧдан мераяс йылысь» Коми Республикаса Веськӧдлан котырлӧн 2017 во косму тӧлысь 6 лунся 212 №-а шуӧмӧ вежсьӧм пыртӧм йылысь

Коми Республикаса Веськӧдлан котыр шуис:

1. Пыртны «Реклама юкӧнын оланпастэчас збыльмӧдан мераяс йылысь» Коми Республикаса Веськӧдлан котырлӧн 2017 во косму тӧлысь 6 лунся 212 №-а шуӧмӧ татшӧм вежсьӧм:

Коми Республика мутасын реклама конструкцияс меститан схемаяслысь состав, найӧс дасьтан, вынсьӧдан да наӧ вежсьӧмъяс пыртан пӧрадок йылысь положениесӧ, мый вынсьӧдӧма шуӧмӧн (2 №-а содтӧд), гижны содтӧд серти.

2. Тайӧ шуӧмыс вынсялӧ сійӧс официальнӧя публикуйтан лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2023 вося сора тӧлысь 24 лун
347 №

Коми Республикаса Веськӧдлан котырлӧн
2023 во сора тӧлысь 24 лунся 347 №-а шуӧм дорӧ
СОДТӦД

«ВЫНСЬӦДӦМА
Коми Республикаса Веськӧдлан котырлӧн
2017 во косму тӧлысь 6 лунся 212 №-а шуӧмӧн
(2 №-а содтӧд)

Коми Республика мутасын реклама конструкцияс меститан схемаяслысь
состав, найӧс дасьтан, вынсьӧдан да наӧ вежсьӧмъяс
пыртан пӧрадок йылысь

ПОЛОЖЕНИЕ

1. Панас

1.1. Коми Республика мутасын реклама конструкцияс меститан схемаяслысь состав, найӧс дасьтан, вынсьӧдан да наӧ вежсьӧмъяс пыртан пӧрадок йылысь тайӧ положениесӧ (водзӧ – Положение) дасьтӧма Россия Федерацияса кар стрӧитан кодекс, «Реклама йылысь» Федеральной оланпас, «Россия Федерацияса войтырлӧн культура озырлун объектъяс (история да культура памятникъяс) йылысь» Федеральной оланпас, «Техническӧя ладмӧдӧм йылысь» Федеральной оланпас серти.

Положениеыс урчитӧ эмбур сикас вылӧ видзӧдтӧг му участокъяс вылын, Коми Республикаса канму эмбурӧ либӧ муниципальной эмбурӧ пырысь зданиеяс либӧ вӧрзӧдтӧм мукӧд эмбур вылын реклама конструкцияс меститан схемаяслысь составсӧ, найӧс дасьтан, вынсьӧдан, а сӧдзжӧ наӧ вежсьӧмъяс пыртан пӧрадоксӧ.

1.2. Тайӧ Положениелӧн медшӧр могъяс вылӧ вӧдитчӧны татшӧм кыввежӧртасьясӧн:

1) реклама места – реклама конструкциялӧн меститанін;

2) карын, олан пунктын артмӧм застройкалӧн ортсыса архитектура ӧблик – здание баньяслӧн да кар (олан пункт) мутасьяслӧн архитектура да кар стрӧитан аслыспӧлӧслунъяс, мыйяс лӧсьӧдӧны сылысь ортсыса пертасӧ.

Реклама местаяслӧн архитектура ӧбликы лӧсялан муртӧсӧн лоӧ Коми Республикаын муниципальной юкӧнъяслӧн мутасьясын реклама конструкцияс меститан корӧмъясӧ кутчысьӧм реклама конструкция сикаскӧд, типкӧд да форматкӧд йитӧдын;

3) реклама месталӧн паспорт – документ, кытчӧ пырӧны реклама места, реклама конструкциялӧн технологическӧй характеристикаяс йылысь тӧдмӧгъяс; вӧрзӧдтӧм эмбур кыин кутысь йылысь юӧр, кытчӧ сувтӧдӧны реклама конструкциясӧ; реклама конструкцияс сувтӧдӧмсӧ сӧгласуйтӧм йылысь тӧдмӧгъяс, реклама местаын реклама конструкциясӧ сувтӧдны позянлун йылысь заключение;

4) реклама конструкциялөн дизайн-макет – серпас, мый вöчöма архитектура ситуациясö да кытшалысь застройкасö донъялом могысь электроннöя да бумага вылын (А4 формата листьяс вылын), мый петкöдлö аснас реклама конструкциялысь сикассö кöсьяна меститанлөн ортсыса (архитектура) öблик водзын (реклама месталөн фотомонтаж меститны кöсьяна реклама конструкциякöд меститан объектлөн пропорциясö кутчысьöмөн), кытчö пыртöма реклама конструкция сувтöдан инпас йылысь юөр, зданиелөн, стрöйбалөн либö сооружениелөн, кытчö сувтöдöны реклама конструкциясö, конструктивнöй элемент йылысь юөр (здание, стрöйба либö сооружение дорö йитан реклама конструкция вылö (водзö – йитан реклама конструкция).

Му участок вылын сувтöдан торйөн сулалысь реклама конструкция вылö дизайн-макетö (водзö – торйөн сулалысь реклама конструкция) пырö кык фотосерпас, кутшöмьясöс вöчöма сэтшöм ногөн, медым местностьыс тыдалис реклама конструкция сувтöдан да уджöдан кöсьяна местаöдз 50 – 80 метрысь ылöджык (мунöм серти да мунöмлы паныд), ветлан туй, улича либö му веркöс дорö джуджда серти йитöдөн.

Йитан реклама конструкция вылö дизайн-макетö пырö кык фотосерпас, кутшöмьясöс вöчöма сэтшöм ногөн, медым местностьыс тыдалис реклама конструкция сувтöдан да уджöдан кöсьяна местаöдз 50 – 80 метрысь ылöджык, кутшöмьясысь öтиыслөн эм зданиелөн, стрöйбалөн либö сооружениелөн серпас сувтöдны кöсьяна реклама конструкциятöг, мöдыслөн – реклама конструкциясö серпасалöмөн;

5) реклама месталөн карта-схема – картография материал, кутшöмöс вöчöма <https://gis.rkomi.ru> «Öтуввез» юөртан да телекоммуникация везйын Коми Республикаса геоинформационнöй портал быдöнлы осьса онлайн-сервислөн карта вылын (водзö – Коми Республикаса геопортал) масштабын электроннöя да бумага вылын (А4 формата листьяс вылын):

муниципальнöй юкөнлөн мутасын сувтöдан торйөн сулалысь реклама конструкциялы: реклама конструкциялөн мыджöд стойкалөн подувсянь ветланлөн вылыс дорöдз вомөннoг ылнасö (метрьясын) индöмөн; кузяла ног – мыджöд стойкалөн подувсянь ветланлөн вылыс дорöдз либö матысса капиталнöя стрöитан объектöдз, либö матысса километрöвöй сюрьяöдз ылнасö (метрьясын) индöмөн, матысса туйвыв пасöдз либö матысса туй светофорöдз, кутшöмьясöс сувтöдöма мунöм серти, ылнасö индöмөн;

муниципальнöй юкөн сайын сувтöдан торйөн сулалысь реклама конструкциялы: реклама конструкциялөн мыджöд стойкалөн подувсянь автомашина туйлөн ветланлөн вылыс дорöдз вомөннoг ылнасö (метрьясын) индöмөн; автомашина туйлөн ветланлөн вылыс дорсянь реклама конструкциялөн ортсыса конструктивнöй элементлөн водсанога проекциялөн матысса чутöдз вомөннoг ылнасö (метрьясын) индöмөн; кузяла ног – матысса километрöвöй сюрьяöдз ылнасö (метрьясын) индöмөн, матысса туйвыв пасöдз, матысса туй светофорöдз ылнасö индöмөн, кутшöмьясöс сувтöдöма мунöм серти.

Йитан реклама конструкцияс вылӧ реклама месталысь карта-схемасӧ вӧчӧны масштабын, реклама конструкциялысь меститчанінсӧ да инпассӧ, вӧрзӧдтӧм эмбурлысь конструктивнӧй юкӧнсӧ индӧмӧн, кытчӧ кӧсйӧны сувтӧдны реклама конструкциясӧ.

Тайӧ Положениеын вӧдитчан мукӧд кыввежӧртасӧн вӧдитчӧны Россия Федерацияса нормативнӧй инӧда актъясӧн да «Реклама юкӧнын Коми Республикаын муниципальной юкӧнъяслӧн меставывса асвеськӧдлан органьяс да Коми Республикаса канму власьт органьяс костын торья уджмогыяс выль пӧв юклӧм йылысь» Коми Республикаса Оланпасӧн урчитӧм вежӧртасьясын.

2. Муниципальной юкӧнлӧн мутасын реклама конструкцияс меститан схема

2.1. Муниципальной юкӧнлӧн мутасын реклама конструкцияс меститан схемаӧ пыртӧны (водзӧ – Меститан схема):

1) муниципальной юкӧнлӧн мутасын реклама конструкцияс меститан карта-схема (водзӧ – Реклама конструкцияс меститан карта-схема);

2) муниципальной юкӧнлӧн мутасын реклама местаяслӧн инпас реестр (водзӧ – Инпас реестр).

2.2. Реклама конструкцияс меститан карта-схемаыс аснас петкӧдӧ муниципальной юкӧнлӧн мутасысь цифрӧвӧй карта, кутшӧмӧс меститӧма Коми Республикаса геопорталын, графическӧй символъясӧн реклама местаяссӧ пасйӧмӧн.

2.3. Торйӧн сулалысь реклама конструкциялысь меститанінсӧ урчитӧны геодезическӧй координатьяс серти, а сідзжӧ туй вылын инпас серти (туй километрӧвӧй разметкасӧ индӧмӧн либӧ улича керка номерсӧ индӧмӧн, кӧні сувтӧдӧма реклама конструкциясӧ).

Йитан реклама конструкциялысь меститанінсӧ урчитӧны реклама месталӧн инпас серти либӧ туй вылын инпас серти (сэк, кор объектслӧн, кӧні сувтӧдӧны реклама конструкциясӧ, инпасыс абу).

2.4. Быд реклама месталы сетӧны торья номер, мый сідзжӧ петкӧдчӧ Реклама конструкцияс меститан карта-схема вылын.

2.5. Инпас реестрӧ пыртӧны татшӧм юӧр:

1) реклама месталӧн инпас (туй вылын инпас);

2) Меститан схемаын реклама месталӧн номер;

3) реклама конструкциялӧн сикас;

4) реклама конструкциялӧн формат;

5) реклама конструкциялӧн тип;

6) реклама конструкциялӧн кузьта-пасьта;

7) мыджӧд стойка серти юӧртан полелӧн меститчанін (торйӧн сулалысь реклама конструкцияс вылӧ, кодъяслӧн эм мыджӧд стойка);

8) реклама конструкциялӧн элемент лыд;

9) реклама конструкциялӧн бок лыд;

10) реклама конструкцияса ӧти боклӧн юӧртан полелӧн площадь;

11) вөрзёдтём эмбур объектлөн кадастрөвöй номер, кöни кöсйöны сувтöдны реклама конструкциясö;

12) вөрзёдтём эмбур объект, кöни кöсйöны сувтöдны реклама конструкциясö, кыин кутысь либö оланпас серти кыин кутысь;

13) реклама конструкциялөн геодезическöй координатяс (торйөн сулалысь реклама конструкцияс вылö).

3. Меститан схемасö дасытан пöрадок

3.1. Меститан схемасö дасытöны быд муниципальной юкөнлы.

3.2. Меститан схемасö дасытöгөн тöд вылö босытöны корöмьясö кутчысьöмсö, кутшöмьясöс урчитöма:

1) мутас планируйтан документьясөн;

2) кар стрöитан нормаясөн да правилöясөн;

3) туй вылын видзчысянлун серти нормативнöй инöда актьясөн;

4) нормативнöй инöда актьясөн, кöни индöны реклама конструкцияслысь типьясö да сикасыасö, кутшöмьясöс позьö да оз позь сувтöдны муниципальной юкөнлөн мутасын либö сылөн мутас юкөннын, сы лыдын татшöм реклама конструкцияс дорö корöмьясö, муниципальной юкөньясын артмöм застройкалөн ортсыса архитектура öблик видзны коланлунсö тöд вылö босытöмөн;

5) Россия Федерацияса войтырлөн культура озырлун объектяс (история да культура памятникяс), найöс видзöм да наөн вöдитчöм йылысь Россия Федерацияса оланпастэчасөн.

3.3. Меститан схемасö дасытö «Коми Республикаса цифра отсöгөн сöвмöдан министерстволысь уджсö мөгмöдан шöрин» Коми Республикаса канму казённöй учреждение (водзö – Учреждение).

3.4. Меститан схемаясö дасытöны торья йöзлысь да юридическöй кывкутысяслысь вöзйöмьясö тöд вылö босытöмөн (водзö – шыödчысь), кутшöмьясöс сетöны Учреждениеö.

Меститан схемаö реклама местасö пыртöм могысь шыödчысь рака тöлысь 1 лунсянь 31 лунöдз либö моз тöлысь 1 лунсянь 31 лунöдз сетö Учреждениеö бумага вылын заявление форма серти, кутшöмöс вынсьöдöма Коми Республикаса цифра отсöгөн сöвмöдан, йитöд да юөр сетан министерствоөн да йöзöдöма «Öтуввез» юöртан да телекоммуникация везйын сылөн официальной сайтын (водзö лöсялöмөн – заявление, Министерство). Заявление дорö колö содтыны реклама месталысь карта-схемасö, реклама конструкциялысь дизайн-макетсö. Сэк, кор шыödчысь нимсянь уджалö морт, кодi Россия Федерацияса оланпастэчас серти лöö сийöс петкöдлысьөн, сетöны лöсялана уджмогыасö эскöдысь документ.

Заявлениесö пасйöны Учреждениеын урчитöм делопроизводство правилöяс серти.

Учреждение видлалö воём заявлениесö 5 тöлысьысь оз дырджык кадколастö, мый лыддöны:

косму төлысь 1 лунсянь – заявлениеяс серти, кутшөмьяс воисны Учреждениеё рака төлысь 1 лунсянь 31 лунөдз;

көч төлысь 1 лунсянь – заявлениеяс серти, кутшөмьяс воисны Учреждениеё моз төлысь 1 лунсянь 31 лунөдз.

3.5. Учреждение оз примит видлалом выло заявлениеё сэк, кор эмось татшөм помкаяс:

1) сетом заявлениеыс оз лөсяв Министерствоон вынсьөдөм формалы;

2) сетом заявлениеын гижөма абу став графасо, кутшөмьясоч урчитома Министерствоон вынсьөдөм формаон;

3) заявлениеё абу кырымалөма, гижөма либө кырымалөма карандашон, сэни эмось вуштөмьяс, содтөдыяс, киритом кывьяс да мукөд урчиттом веськөдөм;

4) заявление дорө абу содтома документьясё, кутшөмьясоч индөма тайө Положениелон 3.4 пунктса мөд абзацын;

5) заявление дорө содтом реклама конструкциялон дизайн-макетыс да (либө) реклама месталон карта-схемаыс оз лөсявны тайө Положениелон 1.2 пунктса 4 да (либө) 5 пунктувьяслон корөмьяслы;

6) заявлениеё сетома Учреждениеё кадколастьясё торкаломон, кутшөмьясоч индөма тайө Положениелон 3.4 пунктса мөд абзацын.

Учреждение ыстө шыөдчысылы тайө пунктын индом подувьяс серти заявление видлавыны примитомын откажитом йылысь уведомлениеё Учреждениеон заявление босытан лунсянь 10 уджалан лунысь оз дырдзык кадколастө.

Заявлениеё видлавыны примитомын откажитогон шыөдчысь тайө Положениелон 3.4 пунктса мөд абзацын индом кадколастьясё вермө выль пөв ыстыны Учреждениеё заявлениеё откажитан помкаясё бырөдом бөрын.

3.6. Воом заявлениеяс подув вылын Учреждениелон тшөктөдон вынсьөдоны Меститан схемасо дасьтом серти либө Меститан схемао вежсьөмьяс пыртөм серти уджъяс нуодан графиксо тайө Положениелон 3.7.1 – 3.7.10 пунктъясын индом мероприятияяс збыльмөдан кадколастьясё индомон, а сідзжө реклама местаяс серти, кутшөмьясоч көсийоны пыртны Меститан схемао Учреждениелон водзмөстчөм серти (водзө – ылөсалан реклама местаяс) 5 уджалан лун чөжон, мый лыддьоны:

косму төлысь 1 лунсянь – заявлениеяс серти, кутшөмьяс воисны Учреждениеё рака төлысь 1 лунсянь 31 лунөдз;

көч төлысь 1 лунсянь – заявлениеяс серти, кутшөмьяс воисны Учреждениеё моз төлысь 1 лунсянь 31 лунөдз.

Тшөктөдсө йөзөдоны «Өтуввез» юортан да телекоммуникация везыин Учреждениелон официальной сайтын.

3.7. Меститан схемасо дасьтом (Меститан схемао вежсьөмьяс пыртөм) могысь Учреждение:

3.7.1. Прөверитө сы серти, лөсялоны-ө ылөсалан реклама местаясыс нормативной инода актъяслон корөмьяслы, көни урчитома реклама конструкцияслысь типьясё да сикасысё, кутшөмьясоч позьө да оз позь

сувтöдны муниципальной юкöнлön мутасын либö сылön мутас юкöнын, сы лыдын татшöм реклама конструкцияс дорö корöмьяссö, муниципальной юкөньясын артмöм застройкалön ортыса архитектура öблик видзны коланлунсö тöд вылö босьтöмөн.

Сэк, кор Меститан схемаö пыртны вöзйöм реклама местаыс оз лöсяв индöм нормативной инöда актьяслön корöмьяслы, Учреждение лöсьöдö лöсялана акт. Учреждение акт лöсьöдан лунсянь 10 уджалан лунысь оз дырдзык кадколастö ыстö шыödчысьлы Меститан схемаö реклама местасö пыртöмын öткажитöм йылысь помшуöм.

3.7.2. Видзöдалö ылöсалан реклама местаяссö; мурталö параметрьяссö, сы лыдын кутшöмьяс колöны видзчысянлун коридорлысь мудорьяссö арталöм вылö (торйön сулалысь реклама конструкцияс вылö); йитö реклама местаяссö объектьяс дорö, кутшöмьясöс индöма тайö Положениеын 1.2 пунктлön 5 пунктвса мöд, коймöд абзацьясин (торйön сулалысь реклама конструкцияс серти).

3.7.3. Мурталöм бöрын босьтöм мыччöдьяс подув вылын Учреждение прöверитö ылöсалан реклама местаяссö сы серти, лöсялöны-ö найö на кар стрöитан нормаяслön да правилöяслön корöмьяслы, туй вылын видзчысянлун серти нормативной актьяслön корöмьяслы, пасйö босьтöм мыччöдьяссö актьяс лöсьöдöмөн.

Сэк, кор Меститан схемаö пыртны вöзйöм реклама местаыс оз лöсяв индöм корöмьяслы, шыödчысьлы ылöсалан реклама местаяс видзöдлан лунсянь 10 уджалан лунысь оз дырдзык кадколастö ыстöны Меститан схемаö реклама местасö пыртöмын öткажитöм йылысь помшуöм.

3.7.4. Дасьтö реклама местаяслысь карта-схемаяссö, реклама конструкцияслысь дизайн-макетьяссö.

3.7.5. Сэк, кор торйön сулалысь реклама конструкция меститöм вылö ылöсалан реклама местаыс меститчö автомашина туй пöлön:

1) ыстö реклама месталысь карта-схемасö, реклама конструкциялысь дизайн-макетсö, реклама месталысь туй вылын видзчысянлун серти нормативной актьяслön корöмьяслы лöсялöмсö пасйысь актсö автомашина туй кийн кутысьлы;

2) корö автомашина туй кийн кутысьлысь реклама конструкция сувтöдöм вылö сöгласлунсö, кытчö пырöны технической корöмьяс да условияс.

Сэк, кор ылöсалан реклама местаыс оз лöсяв автомашина туй кийн кутысьянь босьтöм технической корöмьяслы да условияслы, Учреждение автомашина туй кийн кутысьянь запрос вылö вочакыв воан лунсянь 10 уджалан лунысь оз дырдзык кадколастö ыстö шыödчысьлы Меститан схемаö реклама местасö пыртöмын öткажитöм йылысь помшуöм.

3.7.6. Сэк, кор реклама конструкция меститöм вылö ылöсалан реклама местаыс меститчö Коми Республикаса канму эмбурö пырысь здание, стрöйба, сооружение либö му участок вылын, реклама месталысь карта-схемасö, реклама конструкциялысь дизайн-макетсö ыстö Коми Республикаса эмбур да му йитöдьяс комитетö (водзö – Комитет) сы

могысь, медым босьтны реклама конструкция сувтөдөм, йитөм ыло сөгласлунсө, сетны юөр сы йылысь, мый абу (эм) вөрзьөдтөм эмбур объект серти, көні көсйөны сувтөдны реклама конструкциясө, эмбур инөдыс, а сідзжө көртымалан инөдыс да эскөмөн веськөдлөмыс.

Комитетөн реклама конструкция сувтөдны, йитны сөгласуйтөмын өткажитөмсө сетигөн Учреждение индөм вочакыв босьтан лунсянь 10 уджалан лунысь оз дырдзык кадколастө ыстө шыөдчысьлы Меститан схемаө реклама местасө пыртөмын өткажитөм йылысь помшуөм.

3.7.7. Торйөн сулалысь реклама конструкция меститөм ыло ылөсалан реклама места серти ыстө реклама месталысь карта-схемасө, реклама конструкциялысь дизайн-макетсө организациясө, кодьяс уджөдөны объектъяссө (автомашина туйяс кындзи), кутшөмьяс серти оланпастэчасөн урчитөма мутасьясөн вөдитчөмын торья условияса зонаяс, сөгласуйтөм ыло.

Сэк, кор ылөсалан реклама местаыс оз лөсяв корөмьяслы, кутшөмьясөс урчитөны оланпастэчасөн мутасьясөн вөдитчөмын торья условияса зонаяссө видзөм дорө, Учреждение объект уджөдысь организациясянь, мый серти оланпастэчасөн урчитөма мутасьясөн вөдитчөмын торья условияса зонаяс, вочакыв босьтан лунсянь 10 уджалан лунысь оз дырдзык кадколастө ыстө шыөдчысьлы Меститан схемаө реклама местасө пыртөмын өткажитөм йылысь помшуөм.

3.7.8. Индө торйөн сулалысь реклама конструкция меститөм ыло ылөсалан реклама месталысь геодезическөй координатъяссө; урчитө му участоклысь кадастрөвөй номерсө, кадастрөвөй кварталлысь номерсө, көні меститчө ылөсалан реклама местаыс.

3.7.9. Корө Вөрзьөдтөм эмбурлөн өтувья канму реестрысь (водзө – ЕГРН) вөрзьөдтөм эмбурлөн инөд кутысь йылысь выписка, көні көсйөны сувтөдны реклама конструкциясө.

3.7.10. Лөсьөдө ылөсалан Инпас реестр реклама местаяслысь карта-схемаяссө, реклама конструкцияслысь дизайн-макетъяссө содтөмөн да ыстө сийөс:

1) Коми Республикаса культура озырлун объектъяс видзөмөн веськөдланінө (водзө – Веськөдланін) – сы серти видлалөм могысь, лөсялөны-ө ылөсалан реклама местаясыс Россия Федерацияса войтырлөн культура озырлун объектъяс (история да культура памятникъяс), найөс видзөм да наөн вөдитчөм йылысь Россия Федерацияса оланпастэчаслөн корөмьяслы.

Веськөдланін видлалө Учреждениесянь воөм документъяссө найөс босьтан лунсянь 1 төлысьысь оз дырдзык кадколастө.

Сэк, кор ылөсалан реклама местаясыс лөсялөны Россия Федерацияса войтырлөн культура озырлун объектъяс (история да культура памятникъяс), найөс видзөм да наөн вөдитчөм йылысь Россия Федерацияса оланпастэчаслөн корөмьяслы, Веськөдланін сөгласуйтө Меститан схемаө найөс пыртөмсө; сэк, кор оз лөсявны – примитө сөгласуйттөм йылысь подулалөм помшуөм.

Сэк, кор ылӧсалан реклама местаяс оз лӧсяв тайӧ пунктулын индӧм корӧмьяслы, Учреждение Веськӧдланінсянь вочакыв босьтан лунсянь 10 уджалан лунысь оз дырджык кадколастӧ ыстӧ Меститан схемаӧ реклама местасӧ пыртӧмын ӧткажитӧм йылысь помшуйӧм;

2) лӧсялана муниципальной юкӧнлӧн администрацияӧ (водзӧ – Администрация) ылӧсалан Инпас реестрын лыддьӧдлӧм му участокьяс йылысь тӧдмӧгьяссӧ босьтӧм могысь, а стӧчджыка кӧ:

а) стрӧитчӧм вылӧ разрешение сетӧм йылысь;

б) индӧм му участокьяслӧн мудорьясын мутас планируйтӧмсӧ лоана вежӧм йылысь;

в) кӧртымалан сӧрнитчӧмьяслӧн эмлун йылысь, кутшӧмьясӧс кырымалӧма воысь этшаджык кадколаст вылӧ либӧ урчиттӧм кадколаст вылӧ, кутшӧмьясӧс абу пасйӧма ЕГРН-ын.

Сэк, кор босьтӧма тӧдмӧгьяс сы йылысь, мый эм стрӧитчӧм вылӧ разрешение да (либӧ) му участок мудорьясын мутас планируйтӧмсӧ лоана вежӧм йылысь тӧдмӧгьяс, кутшӧмӧс индӧма ылӧсалан Инпас реестрын, шыӧдчысьлы Администрациясянь вочакыв босьтан лунсянь 10 уджалан лунысь оз дырджык кадколастӧ ыстӧны Меститан схемаӧ реклама местасӧ пыртӧмын ӧткажитӧм йылысь помшуйӧм.

Кӧртымалан сӧрнитчӧмьяс йылысь тӧдмӧгьяссӧ, кутшӧмьясӧс кырымалӧма воысь этшаджык кадколаст вылӧ либӧ урчиттӧм кадколаст вылӧ, кутшӧмьясӧс абу пасйӧма ЕГРН-ын, пыртӧны Инпас реестрӧ.

3.8. Учреждениелы колӧ збыльмӧдны тайӧ Положениелӧн 3.7.1 – 3.7.10 пунктьясын индӧм вӧчӧмторьяссӧ 4 тӧлысьысь оз дырджык кадколастӧ, мый арталӧны тайӧ Положениелӧн 3.4 пунктса витӧд, квайтӧд абзацьясын индӧм лунсянь.

3.9. Меститан схема балаӧ реклама местаяс пыртӧм серти сӧгласуйтӧмсӧ помалӧм бӧрын Учреждение дасьтӧ реклама местаяслысь паспортьяс.

Реклама месталӧн паспорт дорӧ содтӧдӧн лоӧны:

1) вӧрзӧдтӧм эмбур вылӧ, кӧнӧ кӧсийӧны сувтӧдны реклама конструкциясӧ, ЕГРН-ысь выписка;

2) реклама конструкциялӧн дизайн-макет;

3) реклама месталӧн карта-схема;

4) акт, кӧнӧ пасйӧма реклама месталысь туй вылын видзчысянлун серти нормативной актъяслӧн корӧмьяслы лӧсялӧмсӧ.

Учреждениеӧн юрнуӧдысь вынсьӧдӧ реклама месталысь паспортсӧ Веськӧдланінсянь сӧгласуйтӧмсӧ, а сӧдзжӧ Администрациясянь тайӧ Положениелӧн 3.7.10 пунктса 2 пунктулын индӧм тӧдмӧгьяссӧ босьтан лунсянь 1 тӧлысьысь оз сӧрджык кадколастӧ.

3.10. Реклама местаяслӧн паспортӧ пыртӧм юӧр подув вылын Учреждение лӧсьӧдӧ Инпас реестр, а сӧдзжӧ дасьтӧ Реклама конструкцияс меститан карта-схемасӧ Коми Республикаса геопорталын реклама местаяс йылысь мыччӧдьяссӧ пыртӧм.

3.11. Учреждение ыстӧ Меститан схема баласӧ Министерствоӧ

вынсьödом вылö.

4. Меститан схема вынсьödом

4.1. Министерствоö воём Меститан схема баласö пасйöны Министерствотоын урчитöм делопроизводство правилöяс серти.

4.2. Меститан схема бала воан лун бöрын мунысь 10 уджалан лун чöжөн Министерство видлалö индöм баласö да примитö татшöм помшүмьяс пиысь öтиöс:

- 1) Меститан схема вынсьödом йылысь;
- 2) Меститан схема вынсьödомын öткажитöм йылысь.

4.3. Меститан схема вынсьödомын öткажитан помкаясыс сыын, мый Меститан схемаыс оз лöсяв:

- 1) мутас планируйтан документьяслы;
- 2) кар стрöитан нормаяслы да правилöяслы;
- 3) туй вылын видзчысянлун серти нормативнöй актьяслы;
- 4) нормативнöй инöда актьяслы, көнi индöма реклама конструкцияслысь типьяссö да сикасыяссö, кутшöмьясöс позьö да оз позь сувтöдны муниципальнöй юкөнлөн мутасын либö сылөн мутас юкөннын, сы лыдын татшöм реклама конструкцияс дорö корöмьяссö, муниципальнöй юкөнъясын артмöм застройкалөн ортыса архитектура öблик видзны коланлунсö тöд вылö босьтöмөн;

5) Россия Федерацияса войтырлөн культура озырлун объектьяс (история да культура памятникьяс), найöс видзöм да наөн вöдитчöм йылысь Россия Федерацияса оланпастэчаслы.

4.4. Сэк, кор примитöма Меститан схема бала вынсьödомын öткажитöм йылысь помшүм, Министерство сйöс бөр сетö Учреждениеö татшöм помшүм примитан лунсянь 2 уджалан лун чöжөн помкаяссö индöмөн, кутшöмьяс лоисны подулөн Меститан схема бала вынсьödомын öткажитöм йылысь помшүм примитöм вылö.

Учреждение Министерствосянь Меститан схема бала босьтан лунсянь 10 уджалан лун чöжөн бурмöдö сйöс. Меститан схемалысь бурмöдöм баласö ыстöны Министерствоö тайö Положениелөн 4.2 пункт серти видлалöм вылö.

4.5. Министерство вынсьödö Меститан схемасö оланпастэчасөн урчитöм пöрадокын.

4.6. Учреждение юöртö шыödчысылы реклама местасö Меститан схемаö пыртöм йылысь Министерствоөн сйöс вынсьöдан лунсянь 1 тöлысь чöжөн.

4.7. Тайö Положение збыльмöдöм могысь Министерствоөн примитöм инöда актьяссö урчитöм пöрадокын йöзöдöны «Öтуввез» юöртан да телекоммуникация везйын сылөн официальной сайтын найöс примитан лунсянь 3 уджалан лун чöжөн.

4.8. Вынсьödом Меститан схемасö колö публикуйтны (йöзöдны) пöрадокын, кутшöмöс урчитöма Коми Республикаса Велькöдлан котырлысь инöда актьяс официальнойя публикуйтöм (йöзöдöм) вылö, да

йöзöдöны «Öтуввез» юöртан да телекоммуникация везйын Коми Республикаса Везькöдлан котырлөн официальной сайтын.

5. Меститан схемаö вежсьöмъяс пыртан пöрадок

Меститан схемаö вежсьöмъяссö пыртöны сйöс дасьтöм да вынсьöдöм вылö урчитöм пöрадокын.».